

wa der Himmel hinauß gehe. Antwort. Kößlin wirdt ohn zweifel
mit darfür halten/das es eine ganz Crystallfarck kugel vnd ein
schliessung seye/sonsten wolt ich ine leichtlich auß dem hin vnd wi
derschießen der Cometen widerlegen/ als wellichen diese Himlische
dicke vberal offen stehet/ vnd sie gar nit hindert oder außschleuffet.

Wann dann die Himlische Materi den Cometen weicheret / wa
rumb solte sie nit auch den Sternkugeln weichen / wie ein Fluß einem
stillstehenden Pfal weicheret / vnd sich an ihme theilet. Dann jeso ge
sagt / daß die Sternkugeln für sich vnd ihr Materien belangend / ge
naigt vnd genatürt seyen zum stillstehen.

Zu dem wann ich ein Pfund Holz in ein Kübel mit Wasser wirffe/
vnanngesehen daß Holz im Wasser obschwimmt / so wird doch die ganz
ze Kübel vmb ein Pfund schwärer. Derhalben in gleichen *terminis*
auch der Himmel / wann er schon selber nit schwär ist / daß noch schwere
Materien begreifen / vnd also auch *in toto* schwär sein wurde: Dar
mit dann nit der subtile Himmel den dicken kugeln den lauff leicht / son
dern im gegenspil die dicke kugeln dem subtilen Himmel den lauff
schwär machen würden.

Ja saget D. Kößlin / der Himmel ist nit ein *Element* wie Was
ser oder Luft / sonder ein *Forma*, die da alle Sternkugeln *informirt*.

Antwort / Der Himmel ist kein *forma* ohne *Materi*, sondern helt in
sich eine greiffliche *Materi*, die kan nit sein ein *forma*, vil weniger *in*
formirn. Dann wer er ohn eine greiffliche *Materi*, so wer mein vnd
Kößlini *philosophia* nichts / die wir fürgehen / ein *Comet* neme sein *sub*
stanz vnd wesen auß dem Himmel. Ist aber schon ein *forma* bey
der *Materi*, so kan doch solliche *forma* jr *aigne Materiam* (oder ein fremde
de) vil weniger nach eins jeden Wunsch schnell bewegen / als ich / ob ich
schon eine Seel habe / in einer stund zu dem Mond hinauff fliegen kan:
dann mein Seel ist nit so starck / daß sie meinen Leib in einem augen
blick von der Erdenkugel hindan reißen könne / die Erdenkugel zucht
mich vil zu starck zu ihr: gleiches sag ich ist vom Himmel zu verstehen /
dann die Treiber haben ihre gemessene stercke: daher es kompt / das ein
A iij Stern